


Amang'ooro na emichoro: Willem de Vink  
Ekigambo kya Ekikabhwa

# YEESU MASIHA

Omutuurya wa ekyaro




## KINU NIKI?



**Amasabho.** Orahaira na Waryubha, bhukiri kasi kwa eriisi na oramwitegeerera weeki. (Ekiseku kya 18, 19 na 42)

**Ebibhuria.** Mu Bihburia oratura okusoma kya ego Waryubha arabhamaahirira abhantu na kya ego yaana obhumwi nabho.



**Eimani.** Okumwikirirya Waryubha kinú yaaraga okukora. (Ekiseku kya 58)

**Ekyabhira.** Waryubha araabhira, onyoora atariho omuntu unú areenderwa. Waryubha arabhaabhira, nyoore heene uuwe wihunjwiri obhusarya na oreenda okwihunjura. Ekyabhira kiratuuka kwa okubha Yeesu yaagega obhujibhu bhwetu bhunú bheetu tweenderwanga. (Ekiseku kya 58)



**Enonkwe.** M-bintu bhyonsego ebhijomu bhinú Waryubha areenda okubahaana abhantu bhanú bharakora kira kinú areenda.



**Epasaka.** Ni-nyangi ya okuhyuka kwa Yeesu. Kwa obhusimuka bhwayo, enyangi iyo yaaringa enyangi ya okuhiituka obhutuurya bhwa Abhaisiraeri okurwa Misiri. Enyangi iyo, yonse yaabhirikirwa Epasaka. (Ekiseku kya 38-54)



**Erisambwa.** Omusigu wa Waryubha na abhantu, ryeki ritakumaahikana. (Kweki rimanyikeeni ega, Omusarya)

**Maraika.** Omuchaama wa Waryubha unú atakumaahikana (Ekiseku kya 5)



**Masiha.** Omukama Omuhakwa wa amaguta. Masiha, ni-ring'ana rya Ekiebhurania, mu Kigiriki, niiga, Kiristu. (Ekiseku kya 52 na 55)

**Obhuhoru bhwa koko.** Obhwikari na Yeesu kya ego Waryubha yeendanga. Obhuhoru bhunu bhurahiga oruku, na bhutaana obhuteero. (Ekiseku kya 23, 29-30 na 59)

**Obhuhyuki.** Yeesu yaahyuka okurwa mubhaku. Orusiku rumwi, abhantu bhonsego bharihyukibhwa okurwa mubhaku. Nho Waryubha aribhaturira ekiina kira omuntu. (Ekiseku kya 53-57)

**Obhukama bhwa Waryubha.** Obhukama bhwa Waryubha bhuringi hanú abhantu bharamwigwa.

**Obhumwi.** Abheehigira bha Yeesu bharahiituka oruku rwaye na obhuhyuki kwa omukaate na edivai. (Ekiseku kya 41)

**Obhusarya.** Amang'ana ganú turakora bhundi na obhwendi bhwa Waryubha, ganú garaturibhira bheetu okuhikira kya ego Waryubha areenda, kurusumo rwetu. (Ekiseku kya 4)

**Okuhunjuka.** Kira ekintu kiribha ekihya hanú Yeesu arihunjuka mukyaró. Orwire na ekyaro bhirihunjurwa na Waryubha. (Ekiseku kya 57)

**Omusarabha.** Ekintu kya enyanko kinú kyatumirwa okumubhamba Yeesu kwa obhwendi bhwaye omwene. Kyabha n-kimanyiriryo kya abheehigira bhonsego bha Yeesu. (Ekiseku kya 25 na 50)

**Omutima Omurabha.** Omutima wa Waryubha unú areenda okwikara munsu wa abhantu bhanú bharamwikirirya Yeesu. (Ekiseku kya 58)

**Omutumwa.** Omwihigihira wa Yeesu. (Ekiseku kya 18)

**Omwana wa Waryubha.** Eriina ryaye n-Yeesu. Ng'-Waryubha unú yaaja mukyaró kya omuntu, kya Omwana wa Waryubha.

**Yeesu.** N-diina rya Omwana wa Waryubha, ensonga yaaryo niiga, Waryubha aratuurya.




## ERIBHAGA RYA YEESU

Eribhaga ryetu ryambira kukwibhurwa kwa Yeesu. Abhantu bhaagya orugendo kwa amaguru kasi kwa egintikiri, egingamia kasi egifaraasi. Ahasi ahanene ha ekyaro kya Bhuraya, ekya Bhuturira-ryubha ya Gati, na ekya Goosi ya Afrika haaringa haratungwa na Abharuumi. Abhantu abhaaru bhataaringa bhamanyiri okusoma na okung'ora, nawe Abhayahudi mukyaro kya Isiraeri bhaaturanga. Bhaabhirikirwanga abhantu bha Ekitabho.


Waryubha arahaira mukitabho, mu Bhibhuria. Weeki m-Mubhumbi wa kira ekintu na areenda okubha omusaani wa kira omuntu. Yeesu yoorokya riyo kubhurabhu bhukong'u.

## YEESU MASIHA NIWI?

Yeesu yeekara muna emyaka ebhiku bhibhiri bhinú bhyahita mukyaro kya Isiraeri. Turamubhirikira 'Yeesu Masiha' kasi 'Yeesu Kiristu.' Ensonga yaaye niiga, weeki m-Mukama. Etaringi ega, weeki m-Mukama okwenego, nawe kweki arabhirikirwa 'Omwana wa Waryubha' na 'Omwana wa Adamu.' Ensonga yaaye niiga, ng'-Waryubha na m-muntu. Obhusimuka bhwa obhuhoru bhwa Yeesu, bhung'orerwe mu Bhibhuria.



## ISIRAERI ERIBHAGA RYA YEESU



**Omugi omukuru.** Yerusaremu.

**Emigi.** Gariraaya, Samaria na Yudea.

**Obhunene.** Egikirometa gya obhunene ebhiku mirongo ebhiri na munaane ego.

**Enteemo ya ekyaro.** Etuugati ya turopiki.

**Esiasa.** Okwambira omwaka mirongo esansabha na esatu hanú Kiristu yaaringa atarabha-ho, Abhaisiaeri bhaaringa bharatungwa na Abharuumi.


**Eserikari.** Omwanangwa wa Ekiruumi, Ponsio Pirato, aratunga Abhaisiraeri. Tibherio, kaisari wa Ekiruumi yaamutunga.

**Edini.** Obhuyahudi. Abhayahudi bhaaringa na esisyengerero Yerusaremu. Abhasyengeri bharakora emirimu emyaru gya edini na kuuna abheehigirya (kya Abhafarisaayo) bhanú bhaaringa bharoorokererya abhantu ameehigiryo ga Ebhibhuria.


**Ekigambo.** Ekiebhurania (ekigambo kya Abhayahudi), Ekigiriki (ekigambo kya ebhyaro ebhyaru), Ekiratiini (ekigambo kya Abharuumi).



N-kwaki abhantu abhaaru bharasanga muruujji hanu?



Mwiseemye, obhukama bhwa Waryubha bhuraaja.



Mwambe obuhoru obuhya.





Ekisiri kya okubhaturira ekiina kya Waryubha kiiseemerye okugeeja emiri gya omuti.





Kira omuti gunú gutakwama emisumo emijomu, gurigejwa na okweswa mumururo.

Bheetu bhonsego turiko okugeejwa. Niwi unú aranagya okwikara obhwikari obhujomu?

Maheene, atariho omuntu unú aratura okung'osa obhubhutori bhwa ekiina bhwa Waryubha. Nawe, araaja enyuma yaani, unú arihunjura kimwi obuhoru bhwenyu.




Bhoono, maheene mureenda obuhoru bhwenyu bhwhunjure? Mbe, mwikirirye obhusarya bhwenyu, muuje mubhatijwe mumANJI ganu.





Moogibhwe obhusarya bhwenyu. Bhoono mwiseemerye okwamba obuhoru obuhya.

Abhantu bhonsego bharamubhirikira omuraariki uyo, muruujji harya, kwa eriina rya Yoana Omubhatiji.

Oni ntarangi ekintu. Ndamuseemerya enjira unú ariija okutwihigirya ega, Waryubha niwi. Weeki aribhabhatijiya kwa Omutima wa Waryubha na omururo gwa Waryubha. Ekikorwa kiyo, kiribhahunjura kimwi.



Na eribhaga erindi...





Oni nonse ndeenderwa mbatijiwe nawe.




Hanú yaamara, eriisi rikarwa rikagamba okurwa murwire ega,

Uuwe nuuwe Omwana waani omuhanje. Nkuhanjiri na oranng'arira.




Uuwe okora ego, hayo nho turaakunaan'ye obhuanje bhwa Waryubha.



Taata, obhukama bhwaho bhuuje, na ryoryonse rinú oreenda rikoreke.



N-kubhwambiro bhwa eribhaga ryetu rinu, nho Yoana Omubhatiiji yaaseemya Abhaisiraeri ega, Masiha ariija. Kwibhaga riyo, Isiraeri haaringa ahasi ahakego mubhukama obhunene bhwa Ekiruumi.




Abhayahudi mukyaró kya Isiraeri bhaaringa abhanyooheeru na abha okubhandiriribhwa. Abhantu bhaaganyiriranga kwa enamba, eribhaga rinú Masiha ariija. Masiha uyo, ng'ó Omutuurya unú twaragwa mumang'ore ga Abhayahudi ega, ariija. Weeki arijomya obhuheene bhwa Waryubha.

Muruuji rwa Yorodani harya. Yoana Omubhatiiji aramoorokya Yeesu kwa ekyara.



Maaha urya ng'ó Omwana wa ering'ondi owa Waryubha, unú ararusya-ho obhusarya bhwa ekyaro.



Hanú Yeesu yaamara okubhatiijwa, Omutima wa Waryubha akamuhira kukibhara.

Akeekara eyo, eginsiku mirongo ena obhutiku na omubhasu. Hanú yaaringa eyo, ataaryanga ekintu kyokyonse. Okurekana na okwiyima na okusabha, akamanya bhujomu emirimu gyaye.



Naho ature okuhiga, ereenderwa Yeesu yoorokye ekyaro kya ego, Waryubha areenda. M-bwendi bhwa Waryubha ega, abhantu bhonsego bhang'ose oruku.

Yeesu arasakibhwa na Erisambwa, omutungi wa ekisunte unú atakumaahikana, unú aratunga ekyaro kwa oruku na obhusarya.



Taata, ndikora ryoryonse rinú oreenda.



Nawe, omusigu waaye Erisambwa, arasakya okumuhaana Yeesu ametegeerero amabhiibhi, naho ature okumung'enererya atakora emirimu gya Waryubha.

Nyoore maheene uuwe m-Mwana wa Waryubha! Mbe, ohunjure amagina ganu gabhe omukaate.

Tiigo-ha! Yaang'orwa mumaragiriryo ga Waryubha ega, omuntu atakubha na obhohoru kwa okurya ebhyakurya ebhyenego, nawe areenda mbere amang'ana ganu Waryubha aragamba.

Nyoore maheene uuwe m-Mwana wa Waryubha! Yirekera hansi okurwa kukinsongyo kya erisyengerero. Bhoono etaang'orwa ega, bhamaraika bharikutumira mumabhoko gaabho?

Maaha. Nyoore oraansyengere ndakuhaana obhutungi bhonsego mukyaro.


Hanú gayo gaahwa, Erisambwa rikamutiga Yeesu, kwa eribhaga riyo. Kimwi bhamaraika bhakaaja okumubheera.

Eng'orerwe kweki ega, otamusakya Waryubha waaho.



Nuurwe hanu Erisambwa! Eng'orerwe ega, tureenderwa tumusyengere na okumukorera emirimu Waryubha omwenego.

Yeesu akeejura Omutima Omurabhu hanú yaaringa arahunjuka Gariraaya. Yeesu yaakinira mukyaro kiyo, ekya abhantu abhaaru bhukong'u, kinú kiringi goosi ya Isiraeri. Hanú yaagyanga orugendo, abhantu abhaaru bhaagyanga nawe. Bheganiryanga na okwibhuurya, nyoore Yeesu ng'o Masiha unú amang'ana gaaye gaang'orwa na abharooti.

Obhwenga bhukakoreka mumugi gwa Kana gunú gwaringa mukyaró kya Gariraaya.



Yeesu wonse yaaringa mubhwenga hayo, hamwi na ng'ina waabho, na abhasaani bhaaye abhandi.






Nawe, hanú obhwenga bhwahika gatigati...

Edivai ekarebha.

Mukore kyokyonse kinú Yeesu araabhakeerye.



Mwijurye amanzi muginsengo eginene giyo, mumare mutahe muhaane omukuru wa obhwenga, arabhe.




Ganu gataringi amanzi kweki. Nawe, n-divai enjomu bhukong'u!



Irabhe, uuwe oreeteri edivai enjomu kubhuteero.



?




Ntakagiiri mubhwenga kya bhunu. Ntakaruuji amanzi garahunjurwa okubha edivai, na edivai eyene ni-njomu bhukong'u.

Giyo ngyo gyaringa emirimu gya Yeesu wa Najareeti.

Kora ego, weeki uyo niwi?

Kaperinaumu m-mugi omujomu gwa abhategi gunú guringi imbarika wa enyanja ya Gariraaya. Hayo nho Yeesu yaambira okuhairira kubhurabhu eguru ya obhukama bhwa Waryubha.



Petero, tuhuge obhwato okuhikira bhuribha, eyo ng'yo mwese emitego gyenyu.



Na hanu nho arasorera abheehigira bhaaye abha embere.



Omukuru, twakoreri ekituunyo obhutiku okukya, nawe tutanyooreri ekintu kyokyonse.



Nawe, kwa okubha uuwe ogambiri ego...



N-kiruguuro. Ntamanyiri kora hake.





Yakobho, Yoana,  
muuje hanu!  
Tutaakagwatirye  
eginswi eginjaru  
kya ginu!



Nuurwe kuoni  
Omukuru, kwa okubha  
oni m-musarya.

Petero, otoobhoha!





Muuje munsoorane, na oni  
ndibhakora mubhe  
abhategi bha abhantu.




Munsoorane.



Yeesu arataarira mbaara gyonsego gya Gariraaya hamwi na abheehigira bhaaye. Areehigirya abhantu bhonsego eguru ya obhukama bhwa Waryubha. Arahwen'ya amarweri ga amanga gonsego na okukenyia ebhiihwi ebhiibhi. Abhantu bharraruura na okumusoorana. Abhandi bharrarwa kora mubhyaro ebhindi na Yerusaremu, omugi omukuru ogwa Isiraeri. Bhareetegeerera kwa obhwangariri, kira ering'ana rinú aragamba.





Mubhakorerenga abhantu abhandi ganú mureenda bheeki bhabhakorere bheenyu.

Wowonse unú aramumaahirira omukari kwa okwigomba okumunyoora, amariri okukora nawe ameege mumutima gwaye.




Mutabha na obhoobha eguru ya ejo. Mutune mbere obhukama bhwa Waryubha nho amang'ana agandi gariija.



Mubhahanje abhasigu bheenyu na okubhasabhira.

Ameeso n-korobhoi ya omubhiri. Nyoore ameeso gaaho m-mahoru, omubhiri gwaho gonsego gurabha mubhurabhu. Nawe, nyoore ameeso gaaho m-masariku oreekara mukisunte.



Mukorenga ganú ndabhakeerya. Nho muraahunkane na omuntu unú arahagaaja enyumba yaaye kwitare. Hanú orange okugakora, nho muraahunkana na omuntu unú arahagaaja enyumba yaaye kumusenyi.




Mukorenga amajomu kwa ekinyerera muteeyorokya embere ya abhantu.

Atariho omuntu unú aratura okubhakorera emirimu abhakuru abhabhiri, okumukorera emirimu Waryubha, hamwi na ebhintu.




Orusiku rumwi, emiganda gya abhantu bhaaringa bharahigana munyumba munú Yeesu yaaringa. Yaaringa mumugi gwa Kaperinaumu.

Tutakutura okusoha munsu muyo.




Ereenderwa tumusohye weeki na erisayenge ryaye, okuhitira kurusara rwa enyumba.




Niki kiringi eguru eyo?

Mubhatige, abhasaani bhaani bhayo, bhaana eimani enene.




Wabhiirwe obhusarya bhwaho.




Uyo aratura egaki okugamba ego?

Aramujabhura Waryubha.

Waryubha omwenego, ng'o aratura okuruusya obhusarya.



N-diiha ering'ana erinyoohu, okukeerya omuntu unú yaana omujimu ega, 'Wabhiirwe obhusarya' kasi ega, 'Imirira.'



Masiha yaana obhutungi bhwa okuruusya obhusarya, nawe kweki ndagamba ega, gega erisayenge ryaho ogende.






Maheene n-kiruguro!


Eee! Bhoono oni ndatura okugenda!

Maaha aragenda!

Nawe, bhataringi bhonsego bhanú bharajomererwa amakorwa amajomu ga Yeesu. Abhakangati bha edini bhareekomya nyoore Yeesu aragwata amaragiriryo ga Esabhato. Mukyaro kya Isiraeri, abhantu bharakanibhwa okukora omurimu gogonse orusiku ruyo.



Unu m-muntu unú yaaringa na okubhoko kunú kwaringa kuremeeri. Bhoono m-bujomu orusiku rwa reero runu okukora ering'ana erijomu?



Imya okubhoko kwaho.



Ereenderwa unu tumusikye.



Mbe! Nhweneri.



Abhatungi bha Yerusaremu bhareenderwa bhakeeribhwe ega, omuntu unu arahabhya ekyaro.

Hanú omuganda gwa abhantu gwaaruha, Yeesu akeemuka na abheehigira bhaaye, na okugya kwa obhwato munyanja ya Gariraaya.





Omukuru otutuurye!  
Turasika!




Ndora muroobhoha?  
Bhoono, eimani yeenyu ni-nke?






Kuuna omuntu wa okuruguurya unú areekara munkuku.




Ng'-uyo! Hiii!

Ng'-uyo araja!




Eee, Yeesu!



Uuna-ki na oni, Yeesu Omwana wa Waryubha wa obhukuru?

Mumutige, ebhiihwi ebhiihwi!




Eriina ryaho nuuwe-wi?




Ndabhirikirwa Jeshi, kwa okubha bheetu m-baaru.




Otwikiririrye tusoherere egimbiji giyo.

Mugende!









Ndabhakeerya ega, Omwana atakutura okurikora ering'ana ryoryonse weeki omwenego. Arakora rinú Esewaabho areenda. Ntakwenda okukora rinú ndeenda, nawe obhuanje bhwa Taata. Weeki ng'o yaantuma.



Yeesu yaaringa na enteemo ya okusabha ahasi hanú hakirireen'ye.




Hanú yaamara okusabha obhutiku okukya, Yeesu akabhasora abhatumwa bhaaye ekumi na bhabhiri. Akabhatuma bhabhiri bhabhiri. Akabhahaana obhutungi bhwa okukenyia ebhiihi ebhibhihi bhyonsego na okuhwen'ya abharweri.



Bhanu mbo omuntu na omumura waabho, Petero na Andurea.




Omuntu na omumura waabho Yakobho na Yoana.



Firipo na Natanaeri.


Tomaso na Mataayo (unú akare hayo yaanga omutobhya wa erigooti wa eserekari ya Ekiruumi).




Tadayo na Yakobho oundi.



Simoni (omuhakaani omuhaari) na Yuda Esikariote.




Mugende, wowonse unú araabhagenihye bheenyu, arangeniha oni, na wowonse unú arangeniha oni, aramugeniha unú yaantuma.



Abhatumwa ekumi na bhabhiri bhanu, bharahunjuka bhajomeerwe bhukong'u eguru ya emirimu gyabho gya obhutumwa. Hanú gayo gaahwa, Yeesu akeenda okugya nabho kabhejyo, nawe emiganda gya abhantu giteendanga okubhahaatira.

Erigesana n-dyaru, nawe abhagesi m-bake.

Mumusabhe Omukuru omwene omugunda, naho atume abhagesi abhaaru bhature okugesana omugesana.



Yeesu akagendererya okuraarika na okuhwen'ya abharweri. Bhoono bhurakya.

Firipo, abhantu bhanu bhonsego mbanyoora egaki ebhyakurya? Mubhahaane bheenyu ebhyakurya bhyobhyonse, bharye.

Amariho ga emyeri munaane, gatakutura okubheesa abhantu bhanu.


Aringi hantu omwana oumwi unú yaana emikaate etaanu na eginzwi egintuuya ebhiri ego. Bhitariho ebhindi okukira bhiyo.

Mubhakeerye abhantu bheekare kumagari ga abhantu mirongo etaanu etaanu.

Yeesu aramukumya Waryubha.

Akagendererya okugabha emikaate na eginzwi girya.





Ebhiku bhya abhantu bhariisibhwa hanú  
Yeesu araaruhya ebhyakurya bhiyo.




Tumuhitye, naho  
abhe Omukama.



Unu, maheene ng'o Masiha  
unú araganyirirwa okuuja.



Ambe mumahe,  
bhitamiri ebhikapo  
ekumi na bhighbiri  
bhinú bhijjwiri.



Eribhaga rihikiri abhantu bhanu bhagye, bheenyu  
muriine mubhwato bhwenyu, mwambuke. Oni  
ndatama munkuku hanu okusabha.




Kuuna abhantu bhanú bhareenda okumuhitya Yeesu, naho abhe omukama. Bheeki bhareesiga ega, kubhutungi bhwaye, obhutungi bhwa Ekiruumi bhuriruisibhwa-ho. Egoego abhasigu bha Yeesu bhonse bhakaaruha. Bhaagendereryanga okumukorera amasoro eginsiku gyonsego. Bheendanga okumugwatan'ya na okumusikya.




Omukuru n-duuha waahika hanu?

Bhoono, murantuna kwa ekisigo kya emikaate ginú naabhahaana?



Mutanyanka eguru ya ebhyakurya bhinú bhiragunda, nawe mutune ebhyakurya bhinú bhiina obhuhoru bhwa koko.



Oni nooni omukaate gwa obhuhoru. Omubhiri gwani ngo gurarusibhwa kurusumo rwa obhuhoru bhwa ekyaro.



Bhoono, aratura egaki omuntu unu okutuhaana omubhiri gwaye, naho turye?

Inu ni-njabhuro!








Kora tugende.

Omuntu unu areenda okung'ena kira omuntu.



Bhoono, bheenyu bhonse mureenda okugya?

Omukuru, turagya kuwi? Uuwe uuna amang'ana ganú garareeta obhuhoru bhwa koko.




Mara kaaru abhantu bharabhambirwa kibhara wa omugi gwa Yerusaremu.  
Na bhuyo mbo obhujibhu bhwa oruku orubhiibhi obhwa Abharuumi.



Nyoore omuntu wowonse areenda okubha omwihigira waani, areenderwa yeeyange omwene, agege omusarabha gwaye na yansoorane.

Omuntu wowonse unú areenda okutuurya obuhoru bhwaye omwene, aribhubhurya, nawe unú arabhurya obuhoru bhwaye kurusumo rwani, aribhutuurya.



Oreenderwa okumanya ega, Waryubha ng'-umwi ego.



Ering'ana erinene n-kumuhanja Waryubha waaho, kwa omutima gwaho gonsego, na okubhahanja abhantu abhandi, kya ego oreehanja uuwe omwene.




Eribhaga rinu, bhiriho ebhijiji bhya abhagenge mukyaró kya Isiraeri. Obhugenge m-burweri bhwa okoobhohya. Bhanú bhaatumiribhwa obhurweri bhuyo, bhatakwenderwa okwisangan'ya hamwi na bhanú bhataanabho.



Abhagenge bharamema ekituri hohonse hanú bhara gya, naho okukora abhantu abhandi bhamanye ega, bharaaja.

**Mwiyangararire!**  
**Abhagenge!**



Omukuru Yeesu! Otwabhire.






Mugende mwiyorokye kubhasyengeri.



Bhoono, tugende kumusyengeri? Okwikomibhwa?

Bhoono, hanú riyo riraahwe, nho turahwena?



? !




Mumaah! Nhweneri!

Abhantu ekumi bhaahwenibhwa, tiigo? Kenda bharya bharingi-ha? Bhoono, ndeegwa bhataajiri okumugugya Waryubha?




Tuhweneri!

Yee! Oni ndatura okugenda!



Areruuya! Waryubha ng'-waheene. Ojomerye bhukong'u!



Imirira! Eimani yaaho ekuhwenerye, kweki ekutuuirye.

Abhatungi bha Abhayahudi,  
mumugi gwa Yerusaremu,  
bharatuma abhahejiheji  
bhaabho ku Yeesu, naho  
bhamwikomye hanú  
oranyoora aringi kurugendo.  
Bheeki bhatakwenda bhururu  
emirimu gyaye emijomu giyo.

Aragwatana na abhantu bha eginkuma egimbiibhi kya abhasimbe,  
abhatobhya bha erigooti bhanú bharakorera emirimu Abharuumi.

Masiha yaajiri okutuna bhanú bhaabhura  
naho ature okubhatuurya.




Kwa okubha Yeesu  
arahwen'ya orusiku rwa  
Esabhato...

Hwena.



Na abhahanjiri abhaana kwa  
enhanja eindi...

Mubhatige abhaana bhayo bhaaje  
kuoni. Obhukama bhwa Waryubha  
m-bwa abhantu bhanú bharingi kya  
abhaana bhanu.





Yeesu arabhirikirwa okugya Bhetania, ekijiji kinú kiringi hang'i na Yerusaremu.

Rajaaro m-murweri.

Rajaaro hamwi na abhahara bhaabho abhabhiri, Maarita na Mariamu, m-basaani abhanene bha Yeesu. Hanú Yeesu yaahika Bhetania, rumwigo akanyoora amang'ana ega, eginsiku ena gyahitiri okurwa Rajaaro abhiikwe.



Omukuru ng'-uyo!

Omukuru, uuja okunyoora oringi hanu mumura weetu atakaakwiri.



Oni nooni obhuhyuki na obuhuru. Unú aranyikirirya oni aribha omuhuru. Bhoono, oreekirirya gayo Maarita?



Mumura weenyu arihyuka, Maarita.



Yee Omukuru. Oni ndeekirirya ega, uuwe nuwe Masiha, Omwana wa Waryubha, unú araaja mukyaro.




Yee mmanyiri. Arihyuka eribhaga rya obhuhyuki, orusiku rwa obhuteero.



Mumubhiikiri-ha?


Omukuru nuuje omaahe.






Mumaahe.  
Yaaringa  
amuhanjiri  
heeneheene.

Nawe, weeki  
ataaringa aratura  
okururibhira  
oruku rwa  
Rajaaro ruyo?




Mubhyaro bhinu, abhaku bharakundikiribhwa ensanda na okutuurwa mugimbihira ginú gyabhaajwa kumatare.

Muruusye-ho erigina riyo.



Omukuru, yaambiri okunyunka, amariri mumbihira eginsiku ena.


Muraarore obhukuru bhwa Waryubha.



Taata, ndagamba ganu, naho abhantu bhanú bharingi hanu, bheekirirye ega, nuuwe waantuma.




**Rajaaro huruka kibhara!**



Mumuruusye eginsanda giyo, mumutige agye.

Abhatungi bha Yerusaremu  
bharagwatwa na enkubhi  
bhukong'u, eguru ya Yeesu na  
abheehigira bhaaye.



Omuntu uyo, arakora ebhika  
ebhyaru bhukong'u.

Tukaatiga amang'ana gayo gagendererye,  
Abharuumi bharyamura bhururu.

Bharihanyura  
erisyengerero ryetu na  
okusikya ekyaro!

Mutumire egitungwa gyenyu.  
Nyakara omuntu oumwi akwe  
kurusumo rwa ekyaro, okukira  
ekyaro kyonsego okusikibhwa.



Kiyo nkyo kirakora  
ereenderwa Yeesu yeetwe.

Okwambira eribhaga riyo,  
abhatungi bha Ekiyahudi  
bhakabha भारतuna omweya,  
gwa okumugwatya Yeesu ku  
Bharuumi, bheeki abheenego  
mbo bhaaringa na obhutungi  
bhwa okuruusya obhujibhu  
bhwa okukwa.

Kwibhaga riyoriyo, enyangi erakoreka Bhetania.




Obhurange bhuyo,  
bhuuna obhwera  
obhunene.



**Mariamu!**



Bhukaaturiri  
okuguribhwa,  
abhatobhu  
bhahaanwe  
egimbirya giyo.




Mumutige maayi unu, Yuda,  
ahakiri omubhiri gwani  
obhurange okuguseemya  
kwa okubhiikwa.

Enyangi ya Epasaka eringi hang'i okuhika.  
Emiganda gya abhantu bharagya Yerusaremu.



Mumugi gwa Yerusaremu,  
abhatungi bhararya eniku  
ya okumugwata Yeesu.  
Kora ego weeki aragya.






Abhantu bharamugeniha kwa obhujomerwa bhukong'u.

Geniha!

Geniha!





Anonkwe weeki unú araaja kwa eriina rya Omukuru!

Omukama wa Isiraeri!




Abhantu bha Yerusaremu, mukaamanyiri okugwata omurembe okwenego, nawe mutakwenda.



Tukore egaki bhoono, amang'ana nyoore gakaabha kya ego?

Ekyaro kyonsego kiramuseeta.


Erisyengerero rinú riringi mumugi omukuru muyo, ndyo ahasi ahakuru ha okusyengerera.



Eribhaga rya enyangi ya Epasaka, ebhimaanwa bhya amang'ondi bhiragoogwa.



Ebhimaanwa bhya amang'ondi, bhirarusibhwa ekimweso mwisyengerero kurusumo rwa abhantu, naho okubheegwan'ya na Waryubha.






Nawe, n-kimweso-ki kya ekimaanwa kya ering'ondi kinú kiratura okuruusirya abhantu obhusarya bhwabho?




Kurubhanja rwa erisyengerero, abhantu bharakora ebhyasara na okuswen'ya egimbirya.



Rumwigo, Yeesu wonse areebhuka hayo.



Enyumba ya Waryubha, ereenderwa okubha enyumba ya amasabho, nawe bheenyu mwayikyukirye okubha erisana rya abheebhi!





Uyo, aramaahikana okubha omuntu wa okoobhohya, nawe abhantu bhareekirirya kira ering'ana rinú aragamba.



Maheene, tureenderwa okutuna omweya gwa okumusikya.








Nyoore turaamuriire eniku, turatura okumugwatya. Hayo nho turaamwite.

Nawe, etabha eribhaga rya enyangi. Tukakwenda eriihe ryoryonse riibhuke eribhaga rya enyangi ya Epasaka.

Nyoore ndimugwatya Yeesu kubheenyu, muring'aana egimbirya eringa?


Uyo ng'o Yuda, oumwi wa abheehigira bhaaye.




Ndimugwatya Yeesu kubheenyu.





Turakuhaana egimbirya gya omunyaraga mirongo esatu. Egimbirya giyo, obhwera bhwagyo m-bwa okugura omugaya.




Yeesu aratumira eginsiku gyaye, enyangi ya Epasaka etarahika kwa okuraarikira abhantu mwisyengerero, onyoora abhatungi bharasakya okumuribhira, naho atakora ego.




Eribhaga rya mugoroobha, Yeesu na abheehigira bhaaye ekumi na bhabhiri, bhakasikana mumugi, naho bharye enyangi ya Epasaka.







Abha obhutungi  
bharatunga abhantu kwa  
eginguru, nawe bheenyu  
mutariija okukora ego.

Omugaya wa bhonsego, ng'o  
aribha omutungi weenyu.



Nigomberi bhukong'u okurya  
hamwi na bheenyu enyangi  
ya Epasaka inu, eribhaga rya  
okuteswa kwani ritarahika.




Oni ndingi gati yeenyu  
kya omugaya.



Omukuru, uwe wakanyoye amaguru oni? Tiigo-ha, otaakanyoye!

Nyoore oni ntaakawogye amaguru gaaho, Petero, uwe otakubha na obhumwi na oni kweki.

Bheenyu murambirikira oni Omukuru na Omwihigirya, muragamba bhwaheene, kwa okubha niigo ndingi. Kwa okubha oni mboogerye amaguru geenyu, ego na bheenyu mureenderwa okukorerana kya ego oni mbakoreeri.



Oumwi gati yeenyu yaakandiire eniku.



Omukuru, nyogya, etabha amaguru ageenego, kora na amabhoko na omutwe gwonse!

Unú amariri okooga atakwenderwa okwisabha, nawe amaguru ageenego.




Ntaringi oni?

Tiigo-ha!



Yuda kinú oreenda okukora, okikore bhwangu.






Mukorenga ego mara kaaru, kwa okunhiituka oni.




Mugege omukaate gunu, gweki ngo omubhiri gwani.



Mugege ekikombe kinu, nkyo amanyinga gaani ganú gareetika kurusumo rwenyu. Kwa enjira inu, Waryubha arakora eriragano erihya na bheenyu.



Ndabhahaana bheenyu eriragiriryo erihya, muhanjane kya ego oni mbahanjiri bheenyu.



Nyoore muroorokye obuhanje kya bhunu gati yeenyu, abhantu bhonsego bharamanya ega, bheenyu m-beehigira bhaani.



Omukuru, oni ndakusoorana hohonse. Ndiruusya obuhoru bhwani kurusumo rwaho.

Petero, eribhaga ensarigoko etararagura, uuwe wakabhe omariri okunyanga mara kasatu.

Eribhaga erindi mugoroobha, Yeesu na abheehigira bhaaye bhararwa mumugi, Yuda ataringi nabho hamwi.

Oni ndabhatiga, nawe Taata aribhatumira Omutima Omurabhu. Uyo, aribhabheera na aribha hamwi na bheenya koko.


Bheenya mumanyiri enjira inu eragya ahasi hanu ndagya.

Oni ni-njira, obhuheene, na obuhuru. Atariho omuntu wowonse unu aratura okujja ku Taata, nawe, kwa okuhitira kuoni.

Mwikare hanu. Oni ndagya embere hake okusabha.

Taata, nyoore eraturikana unduusirye-ho enyanko inu.

Nawe, etabha kya ego oni ndeenda, nawe kya ego uwe omwene oreenda.



Muratura egaki okuraara eribhaga erikong'u kya rinu? Ambe mwimuke. Unú arandiira eniku amariri okuhika.



Mumugwate unú ndaamuhumbate.



Omwiigirya! Ndakukeeran'ya.

Yuda, orariira eniku Masiha kwa okumuhumbata?



Omukuru, turwane nabho?



Tiigo-ha, mutige.



Yeesu arabheekiririrya bhamugege. Abheehigira bhaaye bharang'osa bhuyaga.

Yeesu arahirwa kumusyengeri omukuru, weeki ng' o omukuru wa abhatungi bhonsego bha Ekiyahudi. Petero na Yoana bharamuseeta kwa hare.



Petero arasoha murubhago rwa omusyengeri omukuru.



Bhoono, uuwe otaaringa nawe?



Tiga obhukangi. Oni kora ntamumanyiri omuntu uyo.

Uuwe ng'-umwi gati waabho kasi tiigo?



Tiigo-ha! Ntamumanyiri.

Niina obhuheene ega, uuwe wonse waari harya! Kwa okubha uuwe wonse m-Mugariraaya!

Mura, ntamanyiri kora kinú oragamba.









Hayohayo  
ensarigoko  
ekaragura.



Yeesu aramumaahirira  
Petero mumeeso



Mbe, rengererya.  
Niwi arakutema?



Nyenkyo wendeko, Yeesu akaretwa embere ya eribharaja rya abhatungi bha Ekiyahudi.

Bhoono, uuwe m-Mwana wa Waryubha?

M-beenyu muragamba. Yee nooni.




Arajabhura! Areenderwa okukwa. Mutige Abharuumi bhamubhaturire ekiina.

Yeesu arareetwa embere ya omwanangwa wa Ekiruumi, Pirato. Abhatungi bha Ekiyahudi bharabhabhandirirya abhamaahiriri. Bharatema ekituri na okuruusya obhujongereri bhwa amanga amaru.



Uuwe oragamba egaki eguru ya gayo bharakujongera? Bhoono, otaana erya okukyukya?



Ntakurora obhusarya bhobhonse kumuntu unu. Ni-nyangi ya Epasaka. Nsiikurire-wi, Bharaabha kasi Omukama wa Abhayahudi?




Bhoono, okoreri-ki?

Oni niijiri okwimiririra obhuheene.




Obhuheene niki?





Bharaabha!

Bharaabha!



Mbe, bhoono mureenda mmukore-ki Yeesu unu?

Mubhambe kumusarabha!


Weeki areekanya ega, m-mukama!

Nyoore oraamutige, mbe, uuwe otaringi omusaani wa Kaisari.



Uuwe orahaatirwa okutigira unu.


Bharaabha arasiikurirwa. Weeki yaaringa ajongerwe kwa okubha yaaringa yeetiri omuntu kwa amang'ana ga esiasa.




37, 38, na 39!



Oni ntaana esoro eguru ya amanyinga gaaye.



Ndakukeeranya, Omukama wa Abhayahudi!



Mumumaahē!  
Omuntu unu!


Mubhambe  
kumusarabha!

Mubhambe  
kumusarabha!

Mubhambe  
kumusarabha!




Pirato aratuura orubhaaso rwa okubhaturwa ekiina kya okukwa, okubhambwa kumusarabha. Bhuyo, bhwaringa obhujibhu bhubhiibhi bhukong'u. Yeesu aragega omusarabha, gweki ngo ekintu kya enyanko, akabha arahita muruguuyo rwa omugi.







Ahasi hanu bharabhambira n-kibhara wa omugi. Ahasi hayo, harabhirikirwa ega, Gorigota, ensonga yaaye niiga, ahasi ha ekihuuri kya omuntu.



Hanu, abhasirikare bharamutemerera Yeesu kumusarabha kwa emisumari, kumabhoko na kumaguru.





Bharatuura orubhaau eguru ya omutwe gwaye. Orubhaau ruyo, rung'orerwe-ko ega, "Yeesu, Omukama wa Abhayahudi."



Yeesu araanga okunywa eryogo rya okuribhira obhururu.



Abhasirikare bharatemera ekuura egingibho gyaye.



Bhoono, ataabhaturya abhantu abhandi?




Nyoore uuwe m-Mwana wa Waryubha, mbe, ituuma kumusarabha!

Ituurya uuwe omwene na bheetu bhonse otutuurye!

Uuwe otakumoobhoha Waryubha kora hake. Bheetu tubhuturiirwe ekiina kwa obhuheene, nawe omuntu unu ataasarya ekintu kyokyonse.

Unhiituke hanú oraasohe mubhukama bhwaho.




Ndakukeerya obhuheene ega, reero inu wakabhe hamwi na oni murwire.






Hanú yaahika ensa esansabha gya omubhasu, eryubha rikasima. Kira ekintu kikabha mukisunte.



Mariamumu, ng'ina waabho Yeesu, na omwihigira waaye Yoana, bhakeemirira hang'i na omusarabha.

Bhoono bheenyu m-mwana na ng'ina.



Waryubha waani, Waryubha waani, ndora untigiri?



Niina enyonta.



Taata, mumabhoko gaaho ndatuura-mo omutima gwani.



Gakuneeni.

Yeesu arakwa ensa kenda gya mumubhasu. Omusirikare oumwi akamuhobhora Yeesu murubharu, gakarwa amanyinga na amanji.



Ebhitabho bhiragamba ega, “Yaakangatibhwa kya ekimaanwa kya ering’ondi kiragya okugoogwa.”



“Yaabhitwa na okutemwa kwa ekisigo kya obhusarya bhwetu.” Nawe bhoono, akwiri.




Bhoono, uyo ng’o Masiha unú yaaganyirirwanga okuuja kasi-ha?



Ambe, tugende okusabha tumubhiike.



Yosefu wa Arimataya na Nikodemo bharagega omubhiri gwa Yeesu. Bharagukundikirya ensanda bharatuura-mo na obhurange, na okugutuura mumbihira. Bharatuura erigina erinene mukiseku hayo.






Hanú eribhaga erya okumuunya erya Epasaka ryahwa, abhakari nyabhurebhe bhanú bhaaringa bhasurumbeeri bhukong'u, bhakagya kumbihira harya.



Kwaki muramutuna unú m-muhoru gati ya bhanú bhaakwa? Ahyukiri! Mugende mukeerye abheehigira bhaaye.


Bhakanyoora erigina rihiringitiibhwe riringi hare na embihira!



Hanú Petero na Yoana bheegwa ego, bhakatintimura enkenyo, okugya kumbihira.



Niki kiibhukiri?

Embihira etari-mo ekintu!





Orusiku ruyo, abheehigira abhabhiri bha Yeesu, bhaaringa bhakwiri omutima, bhakanyoorana na omuhiti wa kunjira, bhakabha bharahaira nawe, eguru ya okwitwa kwa Yeesu.

Bhoono, bheenyu mutakugeekirirya gonsego ganú gaagambwa na abharooti? Bhoono, eteenderwanga Masiha okunyankibhwa? Gayo gonsego gaang'orerwe mu Mang'ore Amarabhu.



Rumwigo, eribhaga rya ebhyakurya, omugeni waabho akabhura.

Nawe, uyo yaaringa Yeesu omwene!



Rumwigo, bhakeemuka okugya okutuna abheehigira abhandi bha Yeesu.

Tumuruuji Omukuru!

Mariamu na Petero bhonse, bhamuruuji!




Rumwigo.

Ndabheendera omurembe.







Bhoono, bheenyu mutakwikirirya ega, nooni? Mumahe amabhoko na amaguru gaani.

Omukuru waani na Waryubha waani!




Yeesu arabheebhukira abheehigira bhaaye, kwa enginsiku mirongo ena. Kora akeyorokya kubhantu magana gataanu kwa eribhaga rimwi. Orusiku rumwi, abheehigira abhandi bhaaringa bharatega eginswi kunyanja ya Gariraaya,





Bhoono, Petero, uuwe heene unhanjiri?




Yeesu aramubhuurya Petero eribhuuryo kya riyo mara kasatu.




Yee Omukuru, uuwe omanyiri ega, nkuhanjiri.

Yaangarira amang'ondi gaani.



Nsoorana!

Nheerwe obhutungi bhonsego murwire na mukyaro. Mugende mukyaro mukore abhantu bha ebhyaro bhyonsego okubha abheehigira bhaani. Mubhabhatijenga kwa eriina rya Taata na erya Omwana na erya Omutima Omurabhu, na mubheehigiryenga okugagwata amaragiriryo gonsego ganú naabhakeerya.



Muhiitukenga ega, oni ndiho koko, ndingi hamwi na bheenyu kira orusiku, okuhikira obhuteero bhwa ekyaro.

Hanú amang'ana gayo gaahwa, Yeesu akarwa mukyaro, akagegwa okugya murwire. Nawe, kweki yaagamba ega, arihunjuka okubhabhaturira ekiina abhantu bhonsego.


Yeesu yeemukiri. Abheehigira bhaaye bharaganyirira mumugi gwa Yerusaremu, bharasabha. Omutima Omurabhu, Omutima wa Waryubha, arabheetumira na okusoha muni waabho. Omutima uryaurya yaaringa muni wa Yeesu, bhoono wonse areekara muni waabho. Arabhakora okubha abhantu abhahya bhanú bhararuusya obhwimiriri bhwa obhuheene eguru ya Yeesu.

Oruku rutaanagya okumugumirirya Yeesu. Waryubha yaamuhunjukirya obuhoruru bhwaye.



Abheehigira bha Yeesu bharagya hohonse mukyaró onyoora bharaangwa obhururu.

Yeesu m-Mwana wa Waryubha!




Amang'ana amajomu gayo, kweki gaaraarikwa kwa enjira ya enyarubha.

Yaagega obhusarya bhwetu kumubhiri gwaye, hanú yaakwa kumusarabha. Kiyo nkyo kirakora twakwa kwa obhusarya na okwambira bhoonwego na okugendererya, turatura okwikara kya ego Waryubha areenda twikare.

Bhoono, abheehigira bha Yeesu, hohonse mukyaró, bhareekuman'ya na okusabha hamwi na okusoma Ebhibhuria. Bharasunura omukaate na okuhaanana ekikombe kya edivai, erabha ego okuhiituka oruku rwa Yeesu. Bharasanga obhuanje bhwa Waryubha, bhunú bhuringi mumitima gyabho na abhamenyani bhaabho.

Yeesu arabhabheera  
abhantu okukunaan'ya  
obhwendi bhwa Waryubha.



Yeesu atuhanjiri!  
Omukumye na  
omusyengere!



Waryubha ahanjiri ekyaro  
okuhikira okuruusya Omwana  
waaye omumwemwe. Wowonse  
unú aramwikirirya weeki,  
ataritura kweki okubhura, nawe,  
aribha na obhuhoru bhwa koko.

WILLEM DE VINK

## EBHIBHURIA

Erigano rya Yeesu ring'orerwe mu Bhibhuria. Kitariho ekitabho ekindi kinú kyasomwa, na kinú kirasomwa bhoonwego, mara kaaru bhukong'u okukira Ebhibhuria. Ebhibhuria iina ebhitabho ebhyaru ebhike ebhike. Yaagega emyaka ekiku kimwi na amagana gataanu okung'ora ebhitabho bhyonsego bhiyo. Ebhibhuria yaakunaana eribhaga rya emyaka ekiku kimwi na kenda, ginú gyahita. Erakunaan'ya amanga amaru ga amagano kya ego Waryubha yeetubhura kubuhoru bhwa abhantu. Erigano rya Yeesu riroorokya bhwaheene ega, Waryubha niwi.


## OBHUSIMURWA BHWA YEESU

Ebhibhuria iina ebhitabho ebhina bhinú bhiragamba obuhoru bhwa Yeesu. Bhitogwerwe okurekana na amariina ga abhang'ori. Abhang'ori bhonsego bheekara eribhaga rya Yeesu.

1. **Mataayo.** Omwihigira wa Yeesu. Yaakoranga emirimu kya omutobhya wa erigooti. Yoonjooranga kya ego Yeesu yaanyankiranga abhantu bha Isiraeri (Abhayahudi).

2. **Mariko.** Yaaringa akyari omumura hanú Yeesu yaaringa arakora emirimu. Yaang'ora bhukongú eguru ya ebhika bhinú Yeesu yaakoranga.

3. **Ruuka.** Yaaringa omuraguri. Weeki omwene ataamumanya Yeesu. Ruuka arabhakeerya kya ego Yeesu yaanyankira abhantu.



4. **Yoana.** Weeki wonse yaaringa omwihigira wa Yeesu. Weeki ekinene aroorokya ega, Yeesu niwi. Yeesu ng'-Waryubha unú yaaringa omuntu wa okutuurira abhantu bheeyagaare okurwa mubhusarya.



## OKWIBHURWA

### KWA YEESU

Ng'ina waabho Yeesu, Mariamu yaaringa akyari okutetwa eribhaga Yeesu areebhurwa. Yaaringa akyari okutaara na omusaaja. Obhuseemya bhwa Waryubha bhwaringa ega, Yeesu yeebhurwe. Ekika kiyo, kyaraarikwa kubhitabho bhya akare eribhaga Yeesu atareebhurwa. Yeesu ateebhurwa kya omuntu unú amanyikeeni kukyaro kasi omukuru. Yeebhurirwa mwiigo rya egintugo, kwa okubha hataaringa na omweya muginyumba gya okuraara abhageni.




## EBHIKA

### BHYA YEESU

Yeesu yaakora ebhika ebhyaru. Ebhibhuria eragamba ega, yaahwen'ya abhantu okukira mara mirongo ena. Kwa enjira ya ebhika, Yeesu yoorokya eginguru gya Waryubha na obhuanje bhwaye. Yoorokya ega, Waryubha areenda okubhabheera abhantu na okubhakora bhabhe na obhujomerwa.



## ORUKU RWA YEESU NA OKUHYUKA KWAYE



***Kwaki Yeesu yaakwa? Amoonjooro garusiibhwe mu Bhibhuria.***

Eribhaga erindi abhantu bhonsego turakora obhusarya. Amang'ana ganú gatakumujomera Waryubha na okumukora abhe na enkoro kasi aruguure. Amang'ana gayo, garabhirikirwa ega, obhusarya. Obhusarya bhobhonse bhuratura okuribhira abhantu okubha abhasaani bha Waryubha. Kiyo nkyo ekisigo kinú kyakora Yeesu akaaja. Kwa okwiruusya kwaye, Yeesu omwene yaagega obhujibhu bhwa obhusarya bhwetu. Obhujibhu bhuyo, bhwaringa n-duku. Okwambira Yeesu akwe kurusumo rwetu, turatura okubha abhasaani kweki bha Waryubha. Nawe, tureenderwa okusabha, naho twabhirwe kwa obhusarya bhunú twaakora. Yeesu yaahyuka okurwa mubhaku. Waryubha yaamukora omuhoru kweki. Kwa ekikorwa kiyo Waryubha yaatoorokya ega, weeki yaana obhuturo bhukong'u okukira oruku.

Bhoono, Yeesu areekara na Waryubha. Na kwa okubha areekara nawe, kira eribhaga aratura okubha omusaani weetu. Areenda okutubheera bheetu okwikara kwa enjira inú eramung'arira Waryubha.

### AMASABHO

*Nyoore oreehunjure okurwa mubhusarya bhunú waakora, nyoore oreenda okubha omusaani wa Waryubha, oratura okusabha amasabho kya ganu.*

*Waryubha owa obhuhanje, unhanjiri.*

*Waamutuma Yeesu, Omwana waaho omumwemwe.*

*Yaakwa kumusarabha kwa obhusarya bhwani bhonsego bhunú naakora.*

*Ndasabha unyabhire obhusarya bhunú naakora. Nyabhira bhukong'u, nyabhira.*

*Ojomerye, kwa okubha Yeesu aringi orubhaara rwani.*

*Kira eribhaga ndeenda mbe omuntu waaho.*

*Ndasabha unyabhire nikare obuhoru bhunú uuwe oreenda nikare.*

*Kira eribhaga obhe hang'i na oni.*

*Ojomerye kwa okukyukya amasabho gaani.*

*Orakora kira ekintu kinú oraraga.*

# YEESU NA UUWE

Erigano rya Yeesu riina obhuteero bhwa obhuheene. Yeesu yaaringa omusaani wa abhantu abhaaru bhukong'u nawanyareero. Ekyaro kyeehunjura. Abhantu abhaaru bhatakugya orugendo kwa egintikiri kasi egifaraasi, nawe bharagya orugendo kwa egimatoka na egindege. Nawe, riyo ritakukora twahukane na Yeesu. Aratura okubha na bheetu kya ego yaaringa aragenda Isiraeri. Atakumaahikana, nawe weeki nu-mwene.

Areenda abhe omusaani waaho reero. Mwitegeerere na oratura okumuhanja.

Bhoono, oreenda okumanya bhukong'u eguru ya Yeesu na obhwikari bhowe? Oratura okukora ganu.

## 1. **Yaamba okusoma Ebhibhuria uuwe omwene**

(kwa ekirengyo, yaamba okusoma ekitabho kinú kyang'orwa na Ruuka)

## 2. **Yaamba okusabha**

(Haira na Waryubha na omwitegeerere, otakwenderwa okutumira amang'ana amakong'u).

## 3. **Haira na abhantu abhandi eguru ya Yeesu na Ebhibhuria.**

Yeesu areenda abheehigira bhaaye bhasikane hamwi na okutereman'ya emitima na okwihigira bhukong'u eguru yaaye.

*Title: Yeesu Masiha (Jesus Messiah). Swahili: Yesu Masihi*

*Text and illustrations: Willem de Vink.*

*Copyright © 1993 Stichting Wereldtaal, Houten, The Netherlands.*

*Published in Dutch as "Jezus Messias".*


*Edition in Kabwa (Tanzania) © 2020 ISBN: 978-90-73150-83-6*

*Digital copyright under the terms of the Creative Commons BY-SA license*

*All rights of translation, reproduction and adaptation reserved for all countries.*

*email: jmpbk.app@gmail.com*

*https://jesusmessiahcomicmedia.com/Welcome*



**YEESU MASIHA.** Rinu ni-rigano rya obhuheene eguru ya Yeesu Masiha. Yeekara Isiraeri emyaka ebhiku ebhibhiri bhinú bhyahita. Kira omuntu unú yaasikana nawe, yaaruguuribhwa. Atariho omuntu unú yaakora ekintu kinú Yeesu yaakora. Atariho omuntu unú yaagamba ekintu kinú Yeesu yaagamba. Ebhika bhyakoreka hanú Yeesu yaaringa. Na yaareeta obhujomerwa kubhonsego bhanú yeekara nabho na kubhanú bhaamwitegeereranga. Rumwigo obhuteero bhukahika. Abhasigu bhaaye bhaamubhamba kumusarabha. Nawe bhuyo bhutaaringa obhuteero. Soma uuwe omwene kya ego yeebhuka na maaha kya ego erigano rya Yeesu Masiha ryagendererya.



language: Kabwa (Tanzania)

ISBN: 978-90-73150-83-6